

Nioqutissanik eqqussuineq annissuinerlu pillugit Namminersornerullutik Oqartussat nalunaarutaat nr. 8, 21. marts 2000-imeersumut siunnersutaat Atuussimasoq (Historisk)

Nioqutissanik eqqussuineq annissuinerlu pillugit Inatsisartut inatsisaanni nr. 18-imi 30. oktober 1992-imeersumi, kingullermik Inatsisartut inatsisaatigut nr. 16-ikkut, 3. november 1994-imeersukkut allangortinneqartumi § 2, imm. 1, § 3, § 11, imm. 2, § 16, § 18, § 19, imm. 2, § 20, § 22, imm. 2, § 35, § 39, § 40 aamma § 46, imm. 5 naapertorlugit aalajangersarneqarput:

Kapitali 1

Ataatsimut aalajangersakkat

§ 1. Danmarkimit, Savalimmiunit nunanilluunniit allanit eqqussinermi aammalu Danmarkimut, Savalimmiunut nunanulluunniit allanut annissinermi nioqutissanik tiguisussat nioqutissanillu nassiussisut nioqutissat eqqunneqartut anninneqartullu nalingi, suussusaat, annertussusaat, nunamit sumit pisiaaneri, nunamit sumit pinngortuuneri, nunamut sumut tunineqarneri, nunami sumi atorneqarnissaat, qanoq assartorneqarneri il.il. pillugit paasissutissat nalunaarutigisassavaat.

Imm. 2. Oqimaassutsimik, angissutsimik aammalu nalinginik il.il. aalajangiinermi maleruagassat danskit ilanngaaserisoqarfiannit maleruarneqartut taamatulli atuupput.

Kapitali 2

Nioqutissanik eqqussuineq

§ 2. Useqarnermik nalunaaruteqarnermi, akitsuusigassanik nalunaaruteqarnermi aammalu eqqussinermik nalunaaruteqarnermi immersugassat Akileraartarnermi Pisortaqarfimmit akuerineqarsimasut aammalu peqqissaartumik immersorneqartussat aammalu immersugassami immikkoortortat taaguutit pingaarnerit tunngavigalugit immersorneqartussat atorneqassapput.

Imm. 2. Immersugassat ilaqartinneqassapput ilumoortuuneranik uppernarsaatitut allagartanik, soorlu akiligassat allagartaanik, nassiussinermi uppernarsaatinik aammalu eqqussinissamut akuersissutaasinnaasunik.

§ 3. Danmarkimit, Savalimmiunit nunanilluunniit allanit sikaritsinik tunisinermi tunisisup pisussaaffigaa poortat ataasiakkaat Kalaallit Nunaannut eqqunneqarnerannut nipitittakkamik nalunaaqutsissalugit akitsuuserneqarsimanerannut takussutissamik.

§ 4. Nioqutissat toqqaannartumik imaluunniit Danmarki aqqusaarlugu Savalimmiunit nunanilluunniit allanit nassiunneqartut pillugit eqqussinermik nalunaarut Akileraartarnermi Pisortaqarfimmut tunniunneqassaaq.

Imm. 2. Nioqutissat Danmarkimi pisiat Kalaallit Nunaanni akitsuusigassat Akileraartarnermi

Pisortaqarfimmut akitsuusiinissamik nalunaaruteqartoqassaaq.

Imm. 3. Eqqussinermik nalunaarummut akitsuusiinissamillu nalunaarummut ilanngunneqassapput tunisisumit akiligassap allagartaa, nassiussat uppernarsaataat allallu akitsuusiinermut kisitsisitigullu naatsorsueqqissaarluni takussutissiornermut il.il. uppernarsaatitut pisariaqartinneqarsinnaasut.

§ 5. Nioqqutissat Danmarkimi pisarineqartut Kalaallit Nunaanni akitsuusigassat Akileraartarnermi Pisortaqarfimmut akitsuusigassatut nalunaarutigineqartassapput, taamaattorli tak. imm. 2.

Imm. 2. Nioqqutissat imm. 1-imi taaneqartut Aalborgimi Grønlandshavni aqqutigalugu umiarsuakkut nassiunneqarpata tunniunneqarnerannut atatillugu akitsuusiinissamik nalunaarut Aalborgimi Akileraartarnermi Pisortaqarfimmut tunniunneqartassaaq.

Imm. 3. Akitsuusiinissamik nalunaarummut ilanngunneqassapput tunisisumit akiligassap allagartaa, nassiussat uppernarsaataat allallu akitsuusiinermut kisitsisitigullu naatsorsueqqissaarluni takussutissiornermut il.il. uppernarsaatitut pisariaqartinneqarsinnaasut.

§ 6. Palitsit, containerit imaqqangitsut, qerattaqqutit, poortuutit imaqqangitsut atornikullu, illerfiit aamma toqusut ikuallatat arssakuinut qummuattaasat kiisalu angalanermi atortut, angalanermi taqussat assigisaallu eqqussinermik nalunaarsorneqarnissaat piumasarineqangillat.

Imm. 2. Aammattaaq eqqussinermi nalunaarsorneqartariaqqangillat Akileraartarnermi Pisortaqarfiup nassiussat tigusassatut tunniuppatigik. Nassiussat nioqqutissanik akitsuusigassanik imaluunniit eqquteqqusaanngitsunik imaqqangippata Akileraartarnermi Pisortaqarfiup nassiussat makkuninnga imallit tigusassatut tunniunneranni nalunaarutigineqartussaajunnaarsissinnaavai:

- 1) tunissutit inunnut ataasiakkaanut ingerlatitat,
- 2) atortut pilertortumik annertunerusumillu annaassiniarnerni ikiuiniarnerniluunniit atorneqartussat,
- 3) imarsiortunik sammissasaqartitsiniutit umiarsuit umiarsualivissisimaneranni inuttaasunit atorneqartussat,
- 4) imarsiortunik sammissasaqartitsiniutit nunat allat umiarsuaasa nunat tamalaat akornanni angalaartut iluarsagassatut nunamut oqqussaat,
- 5) danskit savalimmiormiullu umiarsuaataannut timmisartuinullu nunanut allamukartaatinut aammalu nunat allamiut umiarsuaannut timmisartuinullu kingoraartissat atortussallu, kingoraartissat atortussallu umiarsuarnut timmisartuinulluunniit pineqartunut tunniunneqarpata,
- 6) nioqqutissat, Danmarkimi, Savalimmiuni nunaniluunniit allani iluarsarneqarsimallutik atorneqarallarsimallutilluunniit eqquteqqinneqartut, nioqqutissanik tigusisoq annessinermik nalunaarutip nuutinneranik uppernarsaatilluunniit allap pisariaqartup takutitsisinnaappat,
- 7) pequtit pialuutillu atoreersimasutut isikkullit inunnillu Kalaallit Nunaanni najugaqalersunit eqqunneqartut, imaluunniit
- 8) nioqqutissat atortussallu sakkutooqarfinni USA-p sakkutuuinut, Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu ingerlatsinerannut atugassatut eqqunneqartut.

§ 7. Nioqqutissat § 6, imm. 1-imi taaneqartut assigisaat, eqqunneqarneranni anniseqqinneqartussatut aalajangerneqartut eqqaassanngikkaanni, nioqqutissat Savalimmiunit nunanilluunniit allanit umiarsuakkut toqqaannartumik tikittut kiisalu nioqqutissat Danmarkimiit, Savalimmiuniit nunanilluunniit allanit timmisartukkut tikittut usigineqartutut nalunaarsorneqartassapput.

Imm. 2. Usigisanik nalunaarsuineq pissaaq nassiussat ataasiakkaat immikkut usigineqarnerisa nalunaarutigineqarnerisigut.

Imm. 3. Usigisanik nalunaaruteqarneq nassiussalerisumit (speditørimit), assartuisumit taas-sumaluunniit tuniniaasuanit suliarineqartassaaq, tunisisumillu akiligassap allagartaata assilineranik kiisalu usilersuinerimik nalunaarutip allagartaata assilineranik (umiarsuup imaluunniit timmisartup usiisa nalunaarsorneqarfiannik) ilaqartillugu Akileraartarnermi Pisortaqarfimmut tunniunneqarluniluunniit nassiunneqartassaaq usit Kalaallit Nunaanni umiarsualivimmut timmisartoqarfimmulluunniit siullermik tikiunneqaqqaarnerisa kingorna piaartumik.

Imm. 4. Nassiussat usinik isumannaallisarneqarsimasunik imaqtartunut tunngatillugu usigisat suuneri pillugit sukumiisumik nalunaarsuiffiup assilineqarnera Akileraartarnermi Pisortaqarfimmut nassiunneqassaaq.

§ 8. Usigisanik nalunaaruteqartussaannermut ilaapputaaq aalisakkaat aalisakkanillu tunisassiat danskit, savalimmiormiut nunallu allat aalisariutaannit nunnigunneqartut. Usigisanik nalunaaruteqarneq umiarsuup ingerlatitsisuanit imaluunniit umiarsuup piffimmi tassani tuniniaasuanit assigisaannilluunniit isumagineqartassaaq.

Imm. 2. Umiarsuarmik timmisartumilluunniit Danmarkimi, Savalimmiuni nunaniluunniit allani pisinermut atatillugu, umiarsuarlu timmisartorluunniit nammineq ingerlalluni Kalaallit Nunaannukarpat usigisanik Akileraartarnermi Pisortaqarfimmut nalunaaruteqartoqassaaq. Usigisanik nalunaaruteqarneq umiarsuup timmisartulluunniit ingerlatitsisuanit, piginnittuanit imaluunniit piginnittup sinniisuanit isumagineqartassaaq.

Imm. 3. Usigisanik nalunaarut Kalaallit Nunaannut apuunnerup kingorna piaartumik Akileraartarnermi Pisortaqarfimmut nassiunneqarluniluunniit tunniunneqartassaaq.

§ 9. Usit nassiunneqarfiannut tikiunneqarnerisa kingorna kingusinnerpaamik ulluinnaat qulit (arfininngornerit sapaatitut nalliuttutullu naatsorsuutigineqassapput) qaangiunnerini nioqqutissanik tigusisup nioqqutissat anniseqqillugilluunniit Akileraartarnermi Pisortaqarfimmut eqqussinerimik nalunaarsuusiusaaq imaluunniit akitsuusiinissamik nalunaaruteqassaaq.

Imm. 2. Assartuinerimik isumaginnittoq pisussaavoq nassiussat nassiussatut nalunaarsorneqarsimasut nassiunneqarfiannut apuunnerat nalunaarutigissallugu.

Imm. 3. Nioqqutissat anniseqqitassatut aalajangerneqarsimasut kissaatigineqartulluunniit ammarnagit puuniitiinnarneqassapput.

Imm. 4. Pissutsit immikkut ittut atuutsillugit Akileraartarnermi Pisortaqarfiup eqqussinerimut nalunaarsuummik akitsuusiinissamillu nalunaarummik tunniussinissamut piffissarititaq sivitsorsinnaavaa.

§ 10. Taamaattorli § 9, imm. 1-imi 3-milu aalajangersagaq atuukkaluartoq, nioqqutissat makku eqqunneqarnerminni anniseqqitassatut aalajangiivigineqareersimasut anninneqarnissaannut piffissaliusaaq qaammatit arfineq-pingasut tikillugit sivitsorneqarsinnaavoq:

- 1) Ilisimatusarnermut atortut kiisalu ilisimasassarsiortut atortui, piginnitsiminnit danskiusumit, savalimmiormiuisumit nunamilluunniit allamiumit atugassatut eqqunneqarallartut.
- 2) Radiomut, videomut fjersynimullu atortut kiisalu filmiliornermut atortut piginnitsiminnit

danskisumit, savalimmiormiusumit nunamilluunniit allamiumit radiukkut fjersynikkullu aallakaatitassiornissat imaluunniit filmiornissaq siunertaralugit eqqunneqarallartut.

3) Sulinermit atortut, soorlu sakkuutit, atortut, apparatit, uuttortaatit maskiinallu, piginnitsiminnit danskisumit, savalimmiormiusumit nunamilluunniit allamiumit atugassatut eqqunneqarallartut.

Imm. 2. Annisseqqinnissap sivitsorneqarsinnaaneranut piumasaqaataavoq nioqqutissat immikkuutaarlugit nalunaarsuutip useqarnermik nalunaarummut ilanngullugu nassiussat tunniunneqannginneranni Akileraartarnermi Pisorta qarfimmuut tunniunneqarsimanissaa.

§ 11. Nioqqutissat nassiussatut nalunaarsuinerup nalaani allamut tigusassanngortinneqarpata nassiussalerisup allamulluunniit tigusassanngortitsisup piginnittup allanngornera piaartumik Akileraartarnermi Pisorta qarfimmuut nalunaarutigissavaa, piginnittunngortup aqqa najugaalu nalunaarutigalugit.

§ 12. Nioqqutissat Kalaallit Nunaanni najugaqanngitsumut nalunaarneqarsimappata, nassiussinermi nalunaarummik suliaqartoq nioqqutissanik tigusisutut isigineqassaaq, taamalu eqqussinermi akitsuutip suliarinninnermilu akiliutinngorsinnaasut akilerneqarnissaannut akisussaassalluni.

§ 13. Nioqqutissat nassiussatut nalunaarsorneqartut tigusisussamut tunniunneqarsinnaalissapput eqqussinermut nalunaarsuineq Akileraartarnermi Pisorta qarfimmuut. Piumasaavorli nioqqutissanik tigusisup nioqqutissanut pineqartunut immikkut eqqussinermi piumasaqaataasinnaasut naammassisimappatigit, aamma akitsuutit akitsuutit akilerneqartussanngortinneqarsinnaasut akilerneqarpata.

§ 14. Piffissaliussatut aalajangikkap qaangiutinnginnerani eqqussinermik nalunaaruteqartoqanngippat Akileraartarnermi Pisorta qarfiup nalunaaruteqartussa q allakkatigit piumasaqarfigissavaa aaqqiinissamullu ullut pingasut piffissaliunneqassallutik.

Imm. 2. Piumasaqaat nalunaaruteqartussamik pisussaaffiliissaaq suliarinninnermut 500 kr.-inik akiliinissamut.

Allakkat

§ 15. Allakkat toqqaannartumik Savalimmiuniit nunanilluunniit allanit Kalaallit Nunaannut apuunneqartut illoqarfimmi apuunneqarfimminni Post Greenlandimit nalunaarsorneqassapput.

§ 16. Poortukkat Savalimmiuneersut nunanilluunniit allaneersut Danmark aqqusaarlugu Ka-laallit Nunaannut nassiunneqartut adressekortimik, akiligassat allagartaannik, immaqalu eqqussisinnaanermut akuersissummik uppersaammillu allamik eqqussisinnaanermut nalunaaruteqarnissamut, kiisalu nassiussap akitsuutip nioqqutissalluunniit akitsuusigassaasut naatsorsorneqarnissaanut pisariaqartumik ilaqartinneqassapput.

Imm. 2. Post Greenland Akileraartarnermi Pisorta qarfimmuut eqqussisinnaanermut nalunaarummik tunniussissaaq, kiisalu akitsuutit annertussuserisinnaasaannik naatsorsuissaaq akitsuullu naatsorsorneqartoq nassiussat tunniutinnginnerini akileqqullugu.

§ 17. Poortukkanik nioqqutissanik akitsuusigassanik Danmarkimi pisiarineqarsimasunik imalinnik Danmarkimi inuussutissarsiornermut tunngassuteqartunik nassiussisut Post Greenlandimut akitsuusiinissamik nalunaaruteqassapput, tassunga ilanngullugit adressekortit, tunisisumit akiligassap allagartaa, eqqussisinnanermut akuersissutaasinnaasoq il.il.

Imm. 2. Poortukkanik nioqqutissanik akitsuusigassanik Danmarkimi pisiarineqarsimasunik allanik nassiussat adressekortimik, tunisisumit akiligassap allagartaanik, uppernarsaammilluunniit allamik, akitsuutip naatsorsorneqarnissaanut pisariaqartinneqartunik, ilaqartinneqassapput.

Imm. 3. Post Greenlandip nassiussanut imm. 2-mi ilaatinneqartunut akitsuutissat annertussusiat naatsorsussavaa, kiisalu nassiussanut imm. 1-imi 2-milu ilaatinneqartunut akitsuutit nassiussat tunniutinnginnerini akileqqussallugit.

§ 18. Akileraartarnermi Pisorta qarfiup ilitsersuutaani inassutigineqarpoq Post Greenlandip allakkerisarfikkut nassiussanik annikitsunik kisitsisitigut naatsorsueqqissaarnermut tunngasunut il.il. nalunaarsorneqanngitsumik ingerlatseqqisarnissaa.

Sakkutooqarfinnut nioqqutissanik eqqussineq

§ 19. Sakkutooqarfimmi Pituffimmi danskisut innuttaassuseqartunut danskillu suliffeqarfiinut nioqqutissanik eqqussineq, niuernikkut kisitsisinik naatsorsueqqissaarnermut tunngasunik nalunaarsuutininik paasissutissiinissaq pissutigalugu nioqqutissanik eqqussinermi Kalaallit Nunaata sinneranut maleruagassat naapertorlugit pissaaq.

Kapitali 3

Eqqussuinermi akitsuutit

§ 20. Nioqqutissamut akiligassap allagartaata annertussusia akiitsuummik naatsorsuinermi tunngavigineqassappat, akiligassap akia naleqassutsimik, ilanngaatisat ilanngaatigereerlugit nioqqutissap akianik naleqassutsinik naatsorsuinermi tunngavigineqassaaq, piffissami nioqqutissap eqqunneqarfissaa sioqqullugu akilerneqarsimasooq, imaluunniit aki piffissami nioqqutissap eqqunneqarfiani akilerneqartussaagaluq. Tamatuma nassataraa nioqqutissamut akikillisaatitut ilanngaatip sulluunniit, imaluunniit akimik appartitsissut alla, naliliinermi ilanngaatigineqarsinnaaneri, nioqqutissamut akikillisaatitut ilanngaat akimut akilerneqarsimasumut akiligassamulluunniit naapertuuttuuppat. Piumasaqaataavoq akikillisaatitut ilanngaat nioqqutissanut nalilerneqartussanut tunngassuteqartuussasoq. Nioqqutissamut akillisaatitut ilanngaatit kingumoortumik atortuusut ilanngaatigineqarsinnaanngillat.

Imm. 2. Akiligassat allagartaata aningaasartaasa nunat allamiut aningaasaataannit naatsorsornissaanni, Kalaallit Nunaanni aningaaserivinni aningaasat nalingisa allattorsimaffiat kingulleq atorneqassaaq.

Imm. 3. Naatsorsuinermi tunngavigineqartut pillugit Akileraartarnermi Pisorta qarfiimmut assuarlertoqassaaq nalunaarummik tigusinerup kingorna ullut 14-it qaangiutsinnagit.

§ 21. Akitsuutit naatsorsorneqassapput ullormi nioqqutissat akitsuuteqarfiusumut eqqunneqarfianni

akitsuutit atuuttut tunngavigalugit.

Imm. 2. Nioqqutissanut § 5, imm. 2-mi ilaatinneqartunut ullormi akitsuusiinissamik nalunaarutip Aalborgimi Akileraartarnermi Pisorta qarfiimmit tiguneqarfianit akitsuutit atuuttut tunngavigineqassapput.

§ 22. Akitsuutit akilerneqartussanngussapput nioqqutissat akitsuuteqarfiusumut eqqunneqarnerini.

Imm. 2. Aalakoornartumik etanolimik akullit immiaaqqat t, viinnit imigassallu Inatsisartut inatsisaanni taaneqartut nioqqutissat puui Kalaallit Nunaanni puiaasaaqqanik utertittakkanik aaqqissuussinermi atorneqartut atorlugit inuussutissarsiutigalugu tuneqqinneqarnissaat siunertaralugu eqqunneqarpata, akitsuutit akilerneqartussanngussapput nioqqutissat tunniunneqarpata.

§ 23. Nioqqutissat toqqaannartumik Savalimmiuniit nunanilluunniit allaniit umiarsuakkut tikittut imaluunniit Danmarkimiit Savalimmiuniit nunanilluunniit allaniit timmisartukkut tikittut akitsuutaasa akilerneqanngitsut ulloq piffissaagallartillugu akilerneqarfissaat kingulleq tassaavoq akileeqqusilluni qinnuiginninnerup kingorna ullut 14-it qaangiunneranni, taamaattorli tak. § 25, imm. 1.

§ 24. Nioqqutissat Danmarkimiit umiarsuakkut tikittut akitsuutaasa akilerneqanngitsut ulloq piffissaagallartillugu akilerneqarfissaat kingulleq tassaavoq ulloq nioqqutissat tigusisussamut tunniunneqarfiat, taamaattorli tak. § 25, imm. 1.

§ 25. Nassiussanut inuussutissarsiordermut tunngassuteqartut Danmarkimit, Savalimmiunit nunanilluunniit allanit tikittunut tunngatillugu Akileraartarnermi Pisorta qarfiup qinnuteqartoqarneratigut inuussutissarsiutinut tunngasunik suliffeqarfinnut Kalaallit Nunaanni angerlarsimaffeqartunut § 23-mi aamma § 24-mi akiliinissamut piffissarititaasut taaneqarsimasut sivitsorsinnaavai. Tamatumunnga peqatigitillugu Akileraartarnermi Pisorta qarfiup aalajangersinnaavaa akuersissut nassiussamut ataatsimut akuersissuteqarnermi normulimmut taamaallaat atuutissasoq.

Imm. 2. Imm. 1 malillugu akuersissutinik nalunaaruteqarnissamut piumasaqaataavoq, su-liffeqarfiup qinnuteqaammut ilanngullugit nassiutissagai inuussutissarsiummik ingerlataqarsinnaanermut uppersaatitit allagartap atuuttup nuutinnera, kiisalu aningaaserivimmit sillimmasiisarfimmilluunniit akiliinissamut 200.000 kr.-inik qularnaveeqqut akitsuutit akilerneqarnissaannut sillimmatit. Aammattaaq suliffeqarfiup SE-normua, imaluunniit taama ittoq pigineqanngippat piginnittup inuttut normua qinnuteqaammi nalunaarneqassaaq, suliffeqarfiup suunera pillugu paasissutissat ilanngullugit.

Imm. 3. Akuersissutit imm. 1 malillugu nalunaarutigineqartut akiliinissamut piffissarititaasumik annertuumik arlaleriarluunniit atorneqluineri, tamaatulluunniit pisoqarnialersillugu utertinneqarsinnaapput.

Imm. 4. Qinnuteqartup aalajangersimasumik ingerlatsivia tunngavigalugu imm. 1 malillugu akiliiffissamik piffissaliussaq sivitsugaq, uku saniatigut piffissaliussaq sivitsoqqinneqarsinnaanngilaq:

1) Nanortallup, Qaqortup, Narsap, Ivittuut, Paamiut, Nuup, Maniitsup Sisimiullu kommunii nunaqarfii ilanngullugit qaamm. marluk ingerlareernerisa kingorna qaammatip naanerani.

2) Aasiaat, Kangaatsiap, Qeqertarsuup, Qasigiannugit Ilulissallu kommunii nunaqarfii ilanngullugit qaamm. marl. ingerlareernerisa kingorna qaamm. naanerata king. qaamm. 15-ianni.

3) Ummannap Upernaviullu kommunii nunaqarfii ilanngullugit qaamm. pingasut ingerlareernerisa kingorna qaammatip naanerata king. qaamm. 15-ianni.

4) Tasiilap Kommunua nunaqarfii ilanngullugit Kangerlussuarmilu qaammatit sisamat ingerlareernerisa

kingorna qaammatip naanerani.

5) Ittoqqortoormiit Avanersuullu kommunii nunaqarfii ilanngullugit qaamm. tallimat ingerlareernerisa kingorna qaammatip naanera king. qaamm. 15-ianni.

Imm. 5. Nassiussanut Danmarkimit umiarsuarmik tikittunut imm. 4 malillugu piffissarititaasut Aalborgimit ulloq umiarsuup aallarfia aallarnerfigalugu naatsorsorneqartassapput. Nassiussanut allanut imm. 4 malillugu piffissarititaasut nioqqutissat ulloq Kalaallit Nunaanni umiarsualivimmut siullermut tikiffia aallarnerfigalugu naatsorsorneqartassapput.

§ 26. Akiliiffigineqartussamut innersuussamut akitsuutit akilerneqartassapput.

Imm. 2. Akiliiffigineqartartup akitsuutit qaammatip siuliani akiligassanngorsimasut kingusinnerpaamik qaammatip tulliata ulluisa 15-ianni Akileraartarnermi Pisorta qarfirmut akilertassavai.

§ 27. Inunnut ataasiakkaanut tunissutitut nassiussat akitsuutitai nassiussamut ataatsimut 50 kr.-it inorpagit akitsuumik akileeqqusisoqassanngilaq.

§ 28. Timmisartunut mittarfeqarfinni niuertarfiit nioqqutissanik akitsuuteqanngitsunik eqqussuinissamut nioqquteqarnissamullu akuersissuteqarfigineqarsimasut Akileraartarnermi Pisorta qarfirmut nalunaarfigineqartassapput, akitsuuteqanngitsunillu nioqqutissaasivinnut il.il. nioqqutissanik pilersuineq tassanngaanneersunillu toqqortarinnineq nakkutilliinerlu pillugit erseqqinnerusunik aalajangersagalorsinnaalluni.

Imm. 2. Niuertarfiit ammasarfiisa avataanni nioqqutissat akitsuuteqanngitsut inimi parnaarsimasumi toqqortarineqartassapput.

§ 29. Umiarsuit silaannakkullu angallatit danskit, savalimmiormiut nunalluunniit allat umi-arsualiviinut mittarfiinullu ingerlassallutik Kalaallit Nunaanni akitsuuteqarfiusumik qimatsilersut akitsuuteqanngitsunik taquassarsiniarsinnaapput.

Imm. 2. Nioqqutissanik ataani taaneqartunik umiarsuit taquassarsiniarneranni annertussutsit inummut ataatsimut ullormut unnuamullu ataatsimut angallavissamut naatsorsuutigineqartumut sinnerneqassanngillat:

- 1) 40 g tupat,
- 2) 0,25 liter imigassaq kimittooq,
- 3) 0,25 liter viinni aamma
- 4) 2 liter immiaaqqat.

Imm. 3. Akileraartarnermi Pisorta qarfik umiarsuit ilaasunik angallassisut nunanit allaneersut Kalaallit Nunaanni umiarsualivimmit aallarfirmut kingullermit umiarsualivimmi siusinnerusumi akitsuuteqanngitsumik taquassarsiniarnissaannut akuersisinnaavoq.

Imm. 4. Imm. 3 malillugu nioqqutissat taquassarsiarineqartut umiarsuup akitsuuteqarfiusumik qimatsinissaata tungaanut akitsuuteqanngitsumik nioqqutissaasivimmut Akileraartarnermi Pisorta qarfirmut naqissuserlugit parnaarneqartumut toqqorneqassapput.

Imm. 5. Umiarsuit imm. 3-mi taaneqartut kiisalu timmisartut taquassarsiniarneranni ilaasuisa inuttaasalu amerlassusaat kiisalu umiarsuarmi timmisartumiluunniit atugassatut tunisassatullu naatsorsuutigineqartut eqqarsaatigineqartassapput.

Imm. 6. Timmisartut akitsuuteqarfiusumut tikinnerminni imm. 1 naapertorlugu nioqqutissanik

pisiarineqarsimasunik nassataqarpata taakku timmisartup tikinnerani akitsuuteqanngitsumik nioqqutissaasivimmut parnaarsimasumut immikkoortillugit ingerlaannaq toqqorneqassapput.

§ 30. Akitsuuteqanngitsumik taquassarsiniarnermi inuussutissarsiummik ingerlatsisumut, taquassarsiarineqartut annertussusaat pillugit taquassarsiniarnermut qinnuteqaatikku Akileraartarnermi Pisorta qarfirmmit akuerineqarsimasukku uppernarsaaserneqartassapput, umiarsuaq silaannakkulluunniit angallat akitsuuteqarfiusumit danskit, savalimmiormiut nunalluunniit allat umiarsualiviannut mittarfiannulluunniit ingerlaassalluni taquassarsiniaraangat.

Imm. 2. Inuussutissarsiummik ingerlataqartup, umiarsuarnik silaannakkullu angallatinik nioqqutissanik akitsuuteqanngitsunik taquassarsisitsisimasup, akitsuutip utertinneqarnissaa siunertaralugu taquassarsiniarnermut qinnuteqaat imm. 1-imi pineqartoq, akiligassallu allagartaata assilineranik ilaqartinneqartoq Akileraartarnermi Pisorta qarfirmmut nassitissavaa.

§ 31. Akitsuutit akilerneqarsimasut qinnuteqarnerup kingorna utertinneqarsinnaapput nioqqutissanut

- 1) assartuineri ingerlatseqatigiiffimmit isumagineqarnerini tammartutut ajoquserneqartutullu nalunaarutigineqartunut,
- 2) inuussutissarsiuteqartumit paarineqartillugit ajoquserneqarsimasunut tillinneqarsimasunulluunniit,
- 3) inuussutissarsiuteqartumit paarineqartillugit ilanngaaserisunik nakkutigineqartumik suujunnaarsinneqarsimasunut
- 4) inuussutissarsiutigalugu tuniniaaqinnermut atatillugu Danmarkiliaanneqartunut, Savalimmiuliaanneqartunut nunanulluunniit allanukaanneqartunut,
- 5) inuussutissarsiummik ingerlataqartumit inunnut ataasiakkaanut suliffeqarfinnulluunniit sakkutooqarfimmi Pituffimmi aalajangersimasumik najugaqartumut najugaqaravissumulluunniit tuniniaqqinneqartunut,
- 6) inunnit ataasiakkaanit eqqunneqartunut, nioqqutissap amigaateqarnera kukkuneqarneraluunniit pissutigalugu akitsuuteqarfimmit utertinneqartunut,
- 7) tunisisumit kukkusumik akitsuusigassatut nalunaarutigineqartunut, imaluunniit
- 8) naatsorsuinerlunnikkut kukkusumik akitsuuserneqarsimasunut.

Imm. 2. Imm. 1, nr. 3-mi taaneqartutut nakkutigineqartumik suujunnaarsitsineq inuussutissarsiuteqartup aamma Akileraartarnermi Pisorta qarfiup isumaqatigiissuteqarnerisigut aalajangersarneqassaaq.

Imm. 3. Akitsuutit utertinneqarnissaannik qinnuteqaateqarnermi Akileraartarnermi Pisorta qarfiup qinnuteqaateqarnermi immersugassiaa atorneqassaaq. Qinnuteqaat akitsuutit uppernarsaatitaannik, tunisisumit akiligassap allagartaanik, nassiussinermi uppernarsaatinik kiisalu nioqqutissaq tammarsimappat tammarsimaneranut, aserorsimaneranut, anniseqqinneqarsimaneranut il.il. uppernarsaatinik pisariaqartunik ilaqartinneqartoq Akileraartarnermi Pisorta qarfirmmut nassiunneqassaaq nioqqutissanik nassiussinermut pineqartumut akitsuusiinermut uppernarsaammik ilaqartillugu.

Imm. 4. Nioqqutissanut imm. 1-imi, nr. 1-imiit 5-imut taaneqartunut akitsuutit annertussusiat 500 kr.-it inorpassuk akitsuut utertinneqassanngilaq.

§ 32. Qamutitut motorilinnut inatsisini aalajangersakkat naapertorlugit akitsuuteqanngitsumik

eqqunneqarsimasut Akileraartarnermi Pisorta qarfiup, akitsuusiinissamut pisussaaffik atuutilersimappat, qinnuteqarnerup kingorna nioqqutissanik eqqussuinermi akitsuutit pillugit Inatsisartut inatsisaanni aalajangersakkat naapertorlugit pisinermi akia naapertorlugu appaasoqarsinnaavoq, taamaattorli minnerpaamik nalinginnaasumik niuernermi nalinga aallaavigalugu.

Imm. 2. Akitsuutinik appaanissaq taamaallaat pisinnaavoq qamutit motoorillit siunertanut ukiut sisamat sinnerlugit atorineqarsimappata imaluunniit sumiiffinni ukiut sisamat sinnerlugit akitsuuteqarfiumngitsut avataanni nalunaarsorneqarsimappata.

§ 33. Qamutit motoorillit nunakkoortit minnerit sisamanik amerlanerusunilluunniit assakaasullit angallannermut inatsimmi § 2, imm. 1, nr. 3 naapertorlugu qamutit motoorillit taaneqarsinnaasut eqqussuinermi akitsuutit pillugit Inatsisartut inatsisaanni taaneqartunut taarsiullugu eqqunnerini 5.000 kr.-inik akitsuuserneqassapput.

Kapitali 4

Annisuineq

§ 34. Nioqqutissanik Savalimmiunut nunanulluunniit allanut toqqaannartumik imaluunniit Danmarki aqqusaarlugu annissinermi tuniniaasoq/nassiussisoq annissineq pillugu nalunaaruteqassaaq.

Imm. 2. Nioqqutissat, nioqqutissat allattorsimaffianni kapitalini 2-mi, 3-mi, 5-imi, 15-imi, 16-imi, 22-mi, 23-mi, 25-mi, 26-mi, 41-mi, 43-mi 51-imilu inissisimasut Kalaallit Nunaanniit umiarsuakkut Danmarkimut assartorneqartut pillugit avammut nioqquteqartup/nassitsisup annissinermik nalunaarut Akileraartarnermi Pisorta qarfiimut nalunaarutigissavaa.

Imm. 3. Aammattaaq annissinermit nalunaarut piumasarineqarpoq nunat allamiut umiarsuaat, tassani ilaallutik danskit savalimmiormiullu umiarsuaat, Kalaallit Nunaanniikkallarnermi uuliamik orsussamillu immerneqartillugit. Tamanna aamma timmisartunut Kalaallit Nunaanni nalunaarsorneqarsimanngitsunut akitsuuteqarfiusumi uninngagallarnermi orsersortunut atuuppoq.

§ 35. Annissinermik nalunaaruteqarnissamik piumasqaammi uku pineqanngillat:

- 1) Tunissutitut nassiussat annerpaamik 950 kr.-inik nalillit (Kalaallit Nunaanni pisiniarfimmi akia) inuussutissarsiornermut attuumassuteqanngitsut inummut ataasiakkaamit nassiunneqartut. Nassiussat allagartaanni allassimassaaq: "Tunissutitut nassiussaq".
- 2) Nioqqutissat misiligutit niuernermit attuumassuteqartut annerpaamik 500 kr.-inik nalillit. Puuanni nassiussallu allagartaanni allassimassaaq: "Nioqqutissat misiligutit".
- 3) Kitaata Tunullu akornanni nassiussat Danmarki aqqusaarlugu ingerlatitat.
- 4) Aalisakkat aalisakkanillu nioqqutissiat nunat allamiut aalisariutaanneersut, danskit savalimmiormiullu aalisariutaanneersut ilanngullugit, nioqqutissiat pineqartut Kalaallit Nunaanni aalisakkerivinni suliarineqarsimanngippata.

Imm. 2. Annissinermik nalunaaruteqarnissamut aammattaaq ilaatinneqanngillat:

- 1) Nioqqutissat tigummiannarlugit nassarneqartut imaluunniit nassatatut tunniunneqarsimasut, anninneqarnerat inuussutissarsiummik ingerlatsinissamik siunertaqanngippat.
- 2) Angalanermi atortut, taqussat nioqqutissallu allat angalanermi nassatarineqartut, anninneqarnerat inuussutissarsiummik ingerlatsinissamik siunertaqanngippat.

- 3) Sakkuutit, uuttortaait, atortut assigisaallu, assessorlutik sulisartut eqqumiitsuliortulluunniit assessornerminni eqqumiitsuliornerminniluunniit atortagaat aallarnerminni nassataat.
- 4) Nigaliliat naasullu, ilisinermut imaluunniit ilivnut pinneraatissatut naatsorsuussat nunanut allanut nassiunneqartut nassarneqartulluunniit kiisalu naasut qilertat assigisaalluunniit nalliuttorsiornermi tunissutissatut nunanut allanut nassiunneqartut nassarneqartulluunniit.
- 5) Silaanakkut angallatit qamutillu motorillit nunani allani nalunaarsortissimasut, Kalaallit Nunaannut eqqunneqarallarsimasut.
- 6) Umiarsuit, pujortuleeqqat angallatillu tuniniagaanngitsut nammineerlutillu aallartut. Tuniniarnissaat siunertarineqarpat annissinermi nalunaarusiortoqassaaq Umiarsuillu Nalunaarsorneqarfianni allassimajunnaarnissaannik nalunaarnermi annissinermi nalunaarusiaq takutinneqassalluni.
- 7) Timmisartut Kalaallit Nunaanni angerlarsimaffeqartut tuniniagaanngitsut. Tuniniarnissaat siunertarineqarpat annissinermi nalunaarusiortoqassaaq taannalu Silaannakkut Angallannikkut Pisorta qarfimmil allassimajunnaarnissaannik nalunaarnermi annissinermi nalunaarusiaq takutinneqassalluni.
- 8) Atuakkat, nuutit, allatsitsivissat, akit allattorsimaffii, nalunaarutit, allagartarsuit, atuinissamut ilitsersuutit naqitalu allat, atukkiussassatut tunissutissatulluunniit anninneqartut.
- 9) Naqitigassanngorlugit allatat, atuagassiat qaammatikkuutaartumik sapaatip akunnikkuutaartumillu saqqummersartut, aviisit assigisaallu Kalaallit Nunaanni naqiterneqarsimasut, kalaallillu suliffeqarfiinit nunani allani pisartagalinnut tuniniaasartunullu nassiunneqartut.
- 10) Frimærkit frimærkinik allanik paarlaalluni taarsigassanngorlugit nunanut allanut nassiunneqartut.
- 11) Illerfiit inuup timaanik imallit qummuattaasallu inuit timaasa ikuallanneqarsimasut arsakuinik imallit.
- 12) Klichit aamma papmatricet.
- 13) Timersornermi atortut, tamatumani ilaallutik qamutit sukkaniutit umiatsiallu iporsuutit, nunani allani timersuutunik assigisaannillu unamminermi atugassatut anninneqarallartut, imaluunniit Kalaallit Nunaanni taamatut ator neqareerlutik anniseqqinneqartut.
- 14) Aningaasat pappiaqqat aggorsimasullu, akiitsukkanut uppernarsaatit (vekselit), checkit assigisaallu, kiisalu naalagaaffiup pappiaraatai, aktiat piginneqataasutit pappiaqqallu allat nalillit.

§ 36. Nioqutissanik nalunaarsorneqarsimasunik akitsuusiiffigineqaratillu kisitsisinut naatsorsoqqissaagassanut ilanngullugit nalunaarsorneqanngitsunik anniseqqinnermi annissinermik nalunaarusiortoqassanngilaq, akerlianilli useqarnermik nalunaarutip qiugassartaatut uppernarsaatitaa Akileraartarnermi Pisorta qarfimmil anniseqqinnermi uppernarsaatit takutinneqassalluni.

Imm. 2. Timmisartukkut nassiussat Kalaallit Nunaannut eqqunneqartutut nalunaarsorneqarsimasut, Danmarkimiillu tikittut danskiusumillu pisiffimmit nassiunneqarsimasut anniseqqinneqarpata imm. 1-imi allassimasoq apeqqutaatinnagu anniseqqinnermik nalunaaruteqartoqassaaq.

§ 37. Nioqutissat nassiunneqartut anninneqarnerminni nalingisa tamarmiusut 10.000 kr.-it sinnersimappatigik, avammut niuertup nioqutissanik tiguisussamut akiligassanut allagartaliaa imaluunniit taassuma assiliner Akileraartarnermi Pisorta qarfimmil tunniutissavaa.

Imm. 2. Nioqutissanut ator neqarallartussanngorlugit nassiunneqartunut akiligassanut allagartaliaagallartoq tunniunneqassaaq anninneqartut qanoq naleqarnerat apeqqutaatinnagu.

Allakkat

§ 38. Poortukkanik Savalimmiuni nunaniluunniit allani tiguisissanut nassiussinermi annissinermik nalunaarusiortoqassaaq.

Imm. 2. Annissinerмили nalunaarusiortoqassanngilaq § 35, imm. 1, nr. 1 aamma 2 kiisalu imm. 2, nr. 1-imiit 4-mut aammalu 8-miit 14-imut allassimasunik nassiussinermi.

Imm. 3. Nioqutissat nassiunneqalerneranni annissinermik nalunaarut Post Greenlandimut tunniunneqassaaq.

§ 39. Poortukkanik Danmarkimut nassiussinermi Kalaallit Nunaanni annissinermik nalunaarusiortoqassanngilaq.

Danmarkimut nunanullu EU-mut ilaasortaasunut allanut annissinermi nioqutissat uppersaataat

§ 40. Nunanut EU-mut ilaasortaasunut eqqussineq akitsuutitigut ajornaannerusumik pisinnaaqullugu nioqutissaq nioqutissat uppersaataannik Akileraartarnermi Pisortaarfimmit atsiorneqarlunilu naqissuserneqarsimasumik EUR 1-imik ilaqartinneqassaaq.

Imm. 2. Allakkatigut nassiussanut, taamaallaat nioqutissat nunami aalajangersimasumi pi-lerseqqaarneqarnertik pissutigalugu nioqutissanik eqqussinermi akitsuutitigut ajornaannerusumik pineqartussat, aammalu nalingisa EU-p killissarititaanik qaangiisimangitsunut, avammut niuertup uppersaataat EUR 2, Akileraartarnermi Pisortaarfimmut atsiugassanngortitassaangitsoq, atorsinnaavaa.

Imm. 3. Nioqutissat inuussutissarsiornermut tunngassuteqanngitsut poortukkani mikisuni Danmarkimi inunnut ataasiakkaanut nassiunneqartut nioqutissat uppersaataannik ilaqartinngit nassiunneqarsinnaapput, nassiussat tamakkerlutik nalingisa EU-p killissarititaa qaangersimangippassuk, aammalu nassitsisup nalunaarutigippagu nassiussat nunami aalajangersimasumi pilerseqqaarneqarnertik pissutigalugu akitsuutitigut ajornannginerusumik pineqartussanik nioqutissanik imaqartut.

Nunanut allanut, Kalaallit Nunaata niueqateqarnissamik isumaqatigiissuteqarfigisimasaanut annissinermi nioqutissat uppersaataat

§ 41. Nunami, Kalaallit Nunaata niueqateqarnissamik assigisaanilluunniit isumaqatigiissuteqarfigisimasaani nioqutissanik eqqussineq akitsuutitigut ajornaannerusumik pisinnaaqullugu, nioqutissaq nioqutissat uppersaataannik imaluunniit nioqutissat nunami sorlermi pilersinneqaaqarneranut uppersaammik ilaqartinneqassaaq, Akileraartarnermi Pisortaarfimmit atsiorneqarlunilu naqissuserneqarsimasussamik.

Imm. 2. Nioqutissat uppersaataat imaluunniit suminngaanneernerinut uppersaataat isu-maqatigiissutigisamik imaqarlunilu iluseqarpoq, taamaammat nioqutissanik avammut niuertoq/nassiussisoq uppersaataatip suunissaa pillugu Akileraartarnermi Pisortaarfimmut sukumiinerusumik paasiniaasariaqarpoq, uppersaataat qanoq ittoq atorneqassanersoq.

Nioqputissanik annissuineq pillugu aalajangersakkat nalinginnaasut

§ 42. Aalisakkanik aalisakkanillu nioqputissanik annissinermi, aalisakkat sumi pisarineqarsimaneri, angallat suna atorlugu pisarineqarsimaneri, suuneri, anninneqartut qanoq annertutigineri, avammut nioqputeqarsinnaanermut akuersissutip normua il.il. pillugit paasissutissiinissamut Akileraartarnermi Pisortaqarfik erseqqinnerusunik aalajangersaasinnaavoq.

Imm. 2. Nioqputissat uppersaataannik § 40-mi § 41-milu taaneqartunik atsiuinissamut naqissusiinissamullu piumasarineqarsinnaavoq paasissutissanik imm. 1-imi pineqartunik eqqortumik piffissarlu eqqorlugu paasissutissiisoqarnissaa.

§ 43. Annissinermik nalunaaruteqarnermi immersugassat Akileraartarnermi Pisortaqarfimmit akuerineqarsimasut aammalu peqqissaartumik immersorneqartussat aammalu immersugassami immikkoortortani taaguutit pingaarnertit tunngavigalugit immersorneqartussat atorneqassapput.

Imm. 2. Immersugassat uppersaatinik soorlu akiligassat allartaannik, nassiussinermut uppersaatinik, immaqalu avammut nioqputeqarsinnaanermut akuersissutininik ilaqartinneqassapput.

Kapitali 5

Nakkutilliineq

Umiarsuarnik nakkutilliineq

§ 44. Umiarsuarmi, ingerlaarfimmik Akileraartarnermi Pisortaqarfimmut siumut nalunaarutigineqarsimasumik aalajangersimasumik ingerlaarfeqanngitsumi naalagaasoq, umiarsuup Kalaallit Nunaanni akitsuuteqarfiusumut tikinnerani, erngeluni tikinnertik umiarsualivimmi oqartussaasunut qaninnerpaanut nalunaarutigissavaa, Kalaallillu Nunaanni umiarsualiviup tikinnissaa kingusinnerpaamik nal.ak. 24-t sioqqullugu umiarsualivimmi tikiffissami oqartussaasut nalunaarfigissallugit piffissaq umiarsuup tikiffissaatut ilimagisaq pillugu. Danskit umiarsuaasa sinerissami nakkutilliisut taamaallaat umiarsualivimmi oqartussaasunut tikiffissartik nalunaarutigisassavaat, tamanna suliameennut naapertuuttuuppat.

Imm. 2. Umiarsuup qaqugu tikissanganerqarneranik nalunaarut tiguinnarlugu umiarsualivimmi oqartussaasut Akileraartarnermi Pisortaqarfik tamatuminnga nalunaarfigisassavaat kiisalu umiarsuit nalunaaruteqarsimanngitsut tikinneri nalunaarutigissallugu. Umiarsualivimmi oqartussaasut umiarsuit, ingerlaarfimmik Akileraartarnermi Pisortaqarfimmut siumut nalunaarutigineqarsimasumik aalajangersimasumik ingerlaartut tikiffissaat nalunaarutigisariaqanngilaat.

Imm. 3. Tikinnermi piarnerpaamik umiarsuup naalagaata imaluunniit umiarsuup piginnittuata tuniniaasiataluunniit Akileraartarnermi Pisortaqarfik umiarsuaq, usit taqussallu pillugit allakkatigut nalunaarfigisavaa, kiisalu umiarsuup inuttallu nioqputissaataat akitsuusigassaatitat pillugit allakkatigut nalunaaruteqassalluni, taamaattorli takukkit imm. 4 aamma 5.

Imm. 4. Umiarsuarmi Kalaallit Nunaanni nalunaarsorneqarsimasumi naalagaasup imaluunniit umiarsuup piginnittua tuniniaasiataluunniit, umiarsuup Danmarkimi Savalimmiuni nunaniluunniit allani angalareerluni akitsuuteqarfiusumut tikinnissaa nal.ak. 24-nik sioqqullugu Akileraartarnermi

Pisortaqarfimmut allakkatigut nalunaarutigissavai umiarsuaq, usit taqussallu kiisalu umiarsuup inuttallu nioqqutissaataat akitsuusigassaataat pillugit allakkatigut nalunaarutigissallugit.

Imm. 5. Akitsuuteqarfimmut tikinnermi umiarsuup naalagaa erngerluni nioqqutissat akitsuusigassat umiarsuup nassatai pillugit akitsuusiinissamik nalunaaruteqassaaq akitsuusertissallugillu, aammalu inuttat ataasiakkaat nioqqutissat akitsuusigassaataat namminneq atugassatut nassataasa allattorsimaffiannik Akileraartarnermi Pisortaqarfimmut tunniussaqaassalluni.

Imm. 6. Umiarsuup akitsuuteqarfiusumi umiarsualivimmiit umiatsialivimmiilluunniit aallartussanngortup naalagaata aallarnissaq Akileraartarnermi Pisortaqarfimmut nalunaarutigissavaa, umiarsuarlu aallarnissamik Akileraartarnermi Pisortaqarfik akuersissuteqartinnagu. Aallarnissamik nalunaaruteqartussaataaannigillat umiarsuit, angalanermut pilersaarut Akileraartarnermi Pisortaqarfimmut siumut nalunaarutigineqareersimasooq naapertorlugu angalasut.

Imm. 7. Nioqqutissanut taqussanullu, malittarisassat unioqqutillugit akitsuuteqarfiusumit anninneqartunut atorineqartunulluunniit akitsuutit umiarsuup naalagaata akisussaaffigai.

Timmisartunik nakkutilliineq

§ 45. Timmisartoqarfimmi pisortat Akileraartarnermi Pisortaqarfimmut timmisartup tikiffissaatut aallarfissaatullu naatsorsuutigisaaq nalunaarutigissavaat kiisalu timmisartut tikinnissartik nalunaarutigisimanagu tikittut nalunaarutigissallugit. Timmisartut aalajangersimasumik angalaartut, angalanermut pilersaarut Akileraartarnermi Pisortaqarfimmut siumut nalunaarutigineqareersimasooq naapertorlugu tikittut nalunaarutigineqartariaqaanngillat.

Imm. 2. Akitsuuteqarfiusumut tikinnermi piaarnerpaamik timmisartup naalagaata nalunaarutigissavaa timmisartoq suminngaanneernersoq, kiisalu timmisartoq, usit taqussallu pillugit Akileraartarnermi Pisortaqarfimmut allakkatigut nalunaaruteqassalluni aammalu timmisartup inuttallu nioqqutissaataat akitsuusigassaataat pillugit allakkatigut nalunaaruteqassalluni.

Imm. 3. Timmisartumi, nunat tamalaat akornanni ilaasunik angallassissutitut angalanngitsumi naalagaasup, imm. 2-mi taaneqartup saniatigut, akitsuuteqarfimmut tikiinnavilluni nioqqutissat akitsuusigassat, timmisartup nassatai akitsuusigassatut nalunaarutigissavai akitsuutillu akilerlugit.

Imm. 4. Timmisartup, akitsuuteqarfiusumi timmisartoqarfimmit aallartussanngortup naalagaata aallarnissaq Akileraartarnermi Pisortaqarfimmut nalunaarutigissavaa, timmisartorlu aallarnissamik Akileraartarnermi Pisortaqarfik akuersissuteqartinnagu. Aallarnissamik nalunaaruteqartussaataaannigillat timmisartut, angalanermut pilersaarut Akileraartarnermi Pisortaqarfimmut siumut nalunaarutigineqareersimasooq naapertorlugu angalasut.

Imm. 5. Nioqqutissanut taqussanullu, malittarisassat unioqqutillugit akitsuuteqarfiusumit anninneqartunut atorineqartunulluunniit akitsuutit timmisartup naalagaata akisussaaffigai.

Akileraartarnermi Pisortaqarfiup pisussaaffii piginnaatitaaffiilu il.il.

§ 46. Akileraartarnermi Pisortaqarfiup Kalaallit Nunaanni Politimesteri isumaqatigiissuteqarfigisinnaavaa, politiit nakkutilliinermik sulianik Akileraartarnermi Pisortaqarfittuulli isumaginninnissaannut piginnaatitsinissamik, nioqqutissanik eqqussuineq annissuinerlu pillugit Inatsisartut inatsisaanni § 38 naapertorlugu.

§ 47. Nassiussat usigineqartut Akileraartarnermi Pisorta qarfiup piumasaqarneratigut ammarlugit misissorneqarsinnaapput

Imm. 2. Nioqqutissat nassiussat misissorneqarnerannut atatillugu nioqqutissanik tiguisut nassiussisullu pisussaapput pisariaqartunik isumaginnissallutik, matumanilu puuiaallutik, poortuillutik, oqimaalutaallutik aamma uuttortaallutik nioqqutissat misissorneqarnerinut atasumik. Nioqqutissat, puuiarneqarnerminni akornuserneqarsinnaasut aserorneqarsinnaasulluunniit, imaluunniit pigisanik inunnilluunniit ajoquseeratarsinnaasut, nassiussatut nalunaarsortinnerannut atasumik nakkutilliinermi ammarneqassanngillat. Tamatumani soorlu makku pineqarput: natrium, gassit naqitsinilinnik puullit, akuutissat radiop qinngornerinik ulorianartunik akullit, akuutissat tunillannartut, filmit qaamanermut misikkarissut qajuusaasallu plasticimik seqqitsaatissiat aqerlorterlugit matusanik puukkat.

Imm. 3. Nassiussat nioqqutissanik imm. 2-mi taaneqartunik imallit ammarneqarniarpata tiguisusaaq Akileraartarnermi Pisorta qarfimmit tamatuminnga nalunaarfigineqassaaq, taamaalilluni taassuma ilitersuussutigisinnaammagu nioqqutissat illersorneqarsinnaasumik qanoq ammarneqarsinnaanersut.

Imm. 4. Akileraartarnermi Pisorta qarfik taarsiinertaqanngitsumik nioqqutissanik misissugassanik misissuinissamut naammattunik tiguisinnaatitaavoq. Akileraartarnermi Pisorta qarfik nioqqutissat misissorneqartussat tigusat assinginik amerlaqataannillu taarserneqarnissaannut akuersissuteqarsinnaavoq.

Imm. 5. Nioqqutissanik nassitsisoq nioqqutissat misissorneqareernerisa kingorna pisinnaatitaavoq misissugassatut tiguneqartut misissuinermi atorneqanngitsut piumasaqarnikkut utertissallugit.

Imm. 6. Nioqqutissanik nassitsisoq, tiguisisoq imaluunniit annissisoq pisussaavoq nioqqutissat Akileraartarnermi Pisorta qarfimmut piaartumik takutissalugit pisarialimmik misissuisinnaaneq ingerlanneqarsinnaaqullugu.

§ 48. Poortukkat Post Greenlandip ingerlassai adressekortiusinnaasunik sunillu imaqarnerinik nassuiaatinik ilaqartinneqartut Akileraartarnermi Pisorta qarfimmut misissugassanngorlugit allakkerivimmit saqqummiunneqassapput.

Imm. 2. Misissuineq allakkeriviup iniutaani ingerlanneqassaaq, taamalu Akileraartarnermi Pisorta qarfik piginnaatitaavoq nakkutilliinerup ingerlanneqarnissaanut pisariaqartumik qanorluunniit iliorluni misissuinissaminut. Misissuinermi allakkerisoqarfimmit puuiaaneq poortuinerlu isumagineqassaaq.

Kapitali 6

Pineqaatissiisarnermut atortussanngortitsinermullu aalajangersakkat

§ 49. § 1, imm. 1-imi, § 2, imm. 1-imi 2-milu § 4-mi, § 5-imi, § 7-imi, § 8-mi, § 9, imm. 1-imiit 3-mut, § 34-mi, § 36-mi, § 37-mi, § 38 imm. 1-imi, § 43, imm. 1-imi 2-milu aamma § 47, imm. 2-mi aalajangersakkanik piaaraluneerluni mianersuaalliorujussuarluniluunniit unioqqutitsisoq akiliisitaasussanngorlugu eqqartuunneqarsinnaavoq.

Imm. 2. Taamatuttaaq § 11-mi, § 44, imm. 1-imi aamma 3-miit 7-imut, § 45, imm. 2-miit 4-mut aamma § 47, imm. 6-imi aalajangersakkanik unioqqutitsisoq akiliisitaasussanngorlugu eqqartuunneqarsinnaavoq.

Imm. 3. Taamatuttaaq § 3-mi, § 28, imm. 2-mi, § 29, imm. 2, 4, aamma 6-imi aammalu § 33-mi aalajangersakkanik unioqqutitsisoq unioqqutitseriaraluartorluunniit akiliisitaasussanngorlugu eqqartuunneqarsinnaavoq.

Imm. 4. Imm. 3-mi taaneqartutut unioqqutitsisoqarneratigut imaluunniit unioqqutitseriartoqaraluarneratigut akiliisitaasussanngortitsilluni akiliisitaasussanngortitsinaniluunniit eqqartuussinermi, nioqqutissaq, taannaluunniit peqanngippat taassuma aningaasanngorlugu nalingata amerlaqatai, arsaarinnissutigineqarsinnaapput.

§ 50. Nalunaarut manna 1. april 2000-mi atortuulissaaq.

Imm. 2. Tamatumunnga peqatigitillugu Nioqqutissanik eqqussuineq annisuinerlu pillugit Namminersornerullutik Oqartussat nalunaarutaat nr. 7, 9. marts 2000-imeersoq atorunnaarsinneqarpoq.

Namminersornerullutik Oqartussat, 21. marts 2000.

Josef Motzfeldt

/

Kaare Hagemann